



kat.komp.

14068

III

Mag. St. Dr.

P

*Strex Joannis: Mores Europaeus in
funere Sereniss. Casimiri Renatae
Reginae Poloniarum.*

PANEG. et VITAE

Polon. Fol.

N^o. 112

Biblioteka Jagiellońska



stdr0005131

MÆROR

EVROPÆVS

IN FVNERE,

SERENISSIMÆ

CÆCILIAE RENATÆ

REGINÆ

POLONIARVM.



3 4 5 6 7 8 9 10 11 12

A C

REVERENDISSIMO

MAYOR

LESLY

NOMINATO

REVERENDISSIMO

REVERENDISSIMO

REVERENDISSIMO

REVERENDISSIMO

REVERENDISSIMO

REVERENDISSIMO

REVERENDISSIMO

REVERENDISSIMO

REVERENDISSIMO

REVERENDISSIMO

Te
sing
post
quod
incun
fune
spes
comp
Et,

✠(✠)✠

I L L U S T R I S S I M O

A C

R E V E R E N D I S S I M O

D O M I N O ,

D. V E N C E S L A O

A L E S Z N O

L E S Z C Z Y N S K I ,

N O M I N A T O V A R M I E N S I ,
R E F E R E N D A R I O R E G N I ,

&c. &c.

Domino ac Patrono Observantissimo.

Gavis dolor doloremque complexa voces, sunt officij rudimenta mei erga Te Illustrissime ac Reuerendissime Domine. Nostrâ namq, in Patriâ, præsentium rerum & fortuna facies talis est; quæ & dolere omnes facit, & persuadere dolorem. Ne tamen usurpare mihi videar partes Orationis apud Te; non à dulci dicendi facundiâ, sed ab insipido merore ordior; ut singultire magis, quam comptè perorare iudicer. In lucem Tuam, quâ frui posthâc utinam mihi liceat, more nascentis primùm prodeo cum lachrymis. quod fero lachrymæ sunt: & MÆROR potius, quàm Oratio vocari debet. Incunda quidem vox plorantium, sed si magnarum iacturam rerum profundo deploret gemitu, habet quidpiam decoris, & saporis. Hinc meo spes est animo oborta singularis; non fore alienas à Tuis oculis has non comptæ dictionis, sed rudium lachrymarum dolorisque mei primitias. Et, si conformari nos tempori oporteat: quando dolenti merorem, plo-

ranti

ranti lachrymas ; Tibi qui summè causâ Vniuersa Patria doles , dicari volo ; actum esse optimè non diffido. Quòd si hæc quæ fero , aliter quàm aut materia , aut maiestas rei , aut expectatio omnium postulet , contexta sint : noxa sit mea , & doloris , Tarda illa , & multis hesitans Oratio. mea est. Rudes illa , & incompressa Orationis , ad deplorandum REGINÆ POLONIARVM obitum , voces. Doloris sunt. Hoc nimirum artificiosè cum luctu semper grani coniungit natura ; ut serios inter gemitus , leporis aliquid nec aptè positi elabatur. Tu Illustrissime ac Reuerendissime Domine , conatui protunc meo , ad latiora sese paranti ; quem hoc in communi planctu qualitercunq. elutatus sum , benignè patrocinare. Recipe pro more Patris , cui balbutientis etiam proprij vox est gratissima Filij , infantilem hanc lachrymarum nostrarum teneritudinem. Recipe , & imperitum adhuc dicendi paterno fouere affectu , & complecti , non dedigneris. Suspiciam ego Te magis , ac magis in altiora gradientem honorum fastigia , & meam tantò securius spem in crescenti Tua Fortuna collocabo.

Tuæ Illustrissimæ Celsitudinis

deuotissimus

Cliens

IOANNES STRZÉZ Studios. Cracouien.

Alumn. Garuascian.



ORBIS EUROPEVS
in mærorem concessit, SENA-
TORES, concedentibus fa-
tis, in Fatum CÆCILIAE
RENATÆ, SERENIS-
SIMÆ POLONIARVM RE-
GINÆ. Quâ in clade, si pro maiestate condignè
mærentem, onerosum; si mærori Vestrûm omnium
mederi nitentem Orationis prouinciam suscepero, o-
perosum erit. Tot inter Oratores, ægrè numera-
ri eum sentio; qui se ab iis, quâ dicendi facultate,
quâ publicorum experienciâ negotiorum, sentit ante-
celli. Homo priuatus cum sim, publicam publici do-
loris immanitatem; non meæ tenuitatis ac virium
est prensare, aut prout meretur, explanare. Quid
enim & quomodo, Regales inter Senatoriosq; singul-
tus, in communi scilicet Reipub. ac Regiæ lugentis
planctu, de MAGNÆ ruina REGINÆ dicendû?
Vix equidem scio; dolendumne sit priûs, an peroran-
dum? Grauitatis in perorando, commoditatis in plan-
gendo spacium datur: aut plangere sine peroratione,
aut perorare sine planctu oporteat. Hæreo. hæren-
dum enim est, vbi doloris reiç, Maiestas gradum si-
stit. Sæpè mæroris modum excedentis magnitudo,

delectum Verborum eripit, mihi verò vocem quoque ipsam intercludit. Quippe intelligo, quid & quantum quod à vobis expectatur, sit; neque ita ipse mihi placeo; ut non perspiciam, quod à me præstari queat. **CÆCILIAM RENATAM** Vitâ functam, deplorare & laudare simul, vix par Oratori. Dicerer enim sine lachrymis inofficiosus, cum eiulatu immoderatus. Optimatum atq; Senatus Poloni auctoritas, lugubri tecta syrmat e, lugubrem inducit mihi taciturnitatem. Hospites sinus, Austria, ac tota penè Germania, Hispania, Italia, Gallia; hi quidem hæreditario, illi consanguinitatis iure lugentes: hospitem me meiipsum, dictionisq; meæ efformant. Atratum hoc feretrum, quod miserabundi conspiciamus (atq; utinam conspexissemus nunquam) timori me venundat, & dolori. Videor mihi spaciosum adoriri pelagus, sine remo, sine rate. Onus rei ex Vrnâ hâc, maiestatem ex confluxu illo colligite: in hanc lachrymæ cum pietate spargendæ, huic compositæ & speciosè perorandum. Tandem ad Orationis ipsius nativam venustatem, adhibendus dolor. imò in squallore hoc Regni, & perorandi venustatem, & dicendi exulare debere facundiam intelligo. Hâc in funestâ sorte, seu morte potiùs **SERENISSIMÆ CÆCILIÆ RENATÆ**; verba etiam ipsa, suâ vellem denudare gracilitate. **SERENISSIMVM** atq; **INVICTIS. R E G E M**, Senatum Vniuersum, Equestrem Ordinem, atratâ tectos Veste cerno; atratum Verborum colorem afferam est neces-

se. Tenebræ istæ tectorum obscuritates, & parcè lu-
 cem fundentia laquearia; eam mihi demandant Oratio-
 nis prouinciam. Nihil nisi dolere, & reuereri tutum.
 Quo proinde in passu, perorationis mos est mihi vin-
 cendus, non natura. Aggredior tamen, vt & morem
 SERENISS. REGINÆ defunctæ officii tanquā subdi-
 tus conciuiscq; , & naturæ ad plangendum tanquam de-
 bitor geram. Fundamus lachrymas: atq; adeò exesis
 palpebris erumpat mæstæ fons scaturiginis, Quid ita?
 Patere infeste Dolor loqui. CÆCILIA RENATA
 SERENISS. æque ac Religiosissima REGINA POLO-
 NIARVM ad Quintum Calend. April. est sublata.
 Scilicet AVSTRIACO illa felicissimè correspon-
 dit & Nomini, & Sanguini. Hinc quemadmodum ex-
 ardescebat natiuo quodam contra dissidentes odio, ita
 rectè sentientes coluit, & prosecuta est semper. Ma-
 gna est Religionis vis & integritas; quâ mortalium ef-
 formatur, & ad immortalitatem maturescit animus.
 Nec satis. Mortalia prensantem, ad immortalem dispo-
 nit contēplationem. Proinde non miror quod SERENISS.
 RENATA diuitias prorsus non amauit, cum haberet,
 nec in animum illas, sed in vsum recepit. Non respuit
 possessas, sed largita est: hinc maiorem pietati Sux me-
 moriam subministrans. Fortunam nec venientem sen-
 sit, nec recedentem: imò totum Fortunæ Regnum de-
 spexit. Sic vixit quasi sciret alijs se natam: naturæ
 debitum solui, DE O commodatū restitui. Vniuerso
 spectante Regno fieri credidit, quidquid solâ Consci-
 tiâ actum. Præsidem semper DE VM supra citraque

se stare, factorum dictorumq; Censorem, rata. Nul-
lius per Eam libertas diminuta, multorum aucta, plu-
rium restituta. Vnicuiq; Clementissima REGINA di-
uisit Clementiæ Sux partem, & fortiùs laborantibus o-
pem multò propensiùs; ne penuriã aut Fortunæ aduer-
sæ vim Regiã liberalitate maiorem sentirent, suppe-
ditauit. Si largita quidpiam est, largiri se negabat: vt
præstaret beneficium, simul & officium. Si plura e-
rogauit egentiori, Regium: si minorapotentiori, æ-
quum iudicauit. Nunquam Illi multum fuit, quod
dignus accepit; semper parum quod egenus. Nihil
magis possidere se credidit, quàm benè donata: non
numero sed pondere beneficij, nec vllâ nisi accipien-
tis æstimatione, pensauit. Sic amicos liberalitate;
inimicos, si quos vnquam reperiri vidistis, miseri-
cordiã conciliauit. Virtutum nexum fecit: vt quasi
sibi inuicem concatenatæ omnes, aliæ aliarum vesti-
giis inhærere viderentur. His & Prudentia implexa,
magnum Immortalitati in CÆCILIA reliquit mo-
nimentum. Rectè existimabant Ægyptij, ad cacu-
men Sceptri Regij adscisci oculum. Particeps Sceptri
SERENISS. REGINA Prudentiam accersiuit vt o-
culum. Prudentia enim tantò cæteris Virtutibus an-
tecellit; quantò cæteris sensibus præstaret visus. SE-
RENISS. CÆCILIAE Prudentiam quicumq; specta-
uit, Numinis adinstar honorauit. Etenim Illa, si quid
priuatum gessit prudenter; si quid Regium, prudentif-
simè. Res in gerendo sui seipsas præcurrebant ad Pru-
dentiam: si quid in honore ageret; Honori, Grauitas
inuide-

inuidebat. Et factum : vt omnes dotaret Virtutes solâ
Prudentiâ. Seminarium Virtutum, & Prudentiæ Pati-
entia, inculsit segetem in SERENISS. vt fructum ca-
pesseret, & capessiuit. Reginam & Regni, & sui vi-
dit. Lentos quoq; natura & placidos ad impatientiâ vr-
get : hic natura victa, non vicit. Nauauit R E N A T A
nostra operam, ne videret omnia, vt audiret ; at cum
aliquando : quod mirandum vobis est, laudari se à quo-
piam, aut optimis extolli votis audiuit, eam patientis
Modestiæ præsetulit vim, vt lædi se putaret, cum lau-
daretur. Nullam vnquam iniuriam perpeffa, præter
eam; quòd laudem sui esse iniuriam iudicaret. Patien-
tia cum in aduersis locum non inueniret, in prosperis
hîc inuenit. Hæc nempè, tecta quæcunq; attigerit, trā-
quilla & felicia præstabit : at in Regijs, quòd rarior,
eò mirabilior. Instituit SERENISS. amicis iucundā,
hospitibus mitem & facilem, vtriq; admirandam. Exo-
rabatur antequam orabatur, honestis præcibus occurrit.
Suavis semper, vix irata aliquando leuitèr, grauitèr
nunquam. Non Illa naturæ adacta, sed Illi natura,
obtemperare. Imperuium Iræ, Impatientiæq; animum
fecit. Nullus id vnquam deprehendit in C Æ C I L I A
Nostrâ, cui aut inuideret, aut quod saltèm ægrè ferret.
Nihil vitiosum; omnia Virtute plena. Artem primam
Regij animi esse, posse inuidiam pati; si aliquando ac-
cidisset, didicit. Porro laudatores, & sui encomiastas;
aut taciturnitate, aut dissimulatione præuidit compe-
scuisse tutiùs. Et hâc profectò arte fecit, vt amicos om-
nes, inimicum viderit nullum. Quid hic ego dicam de

C. Ea qua

Ea quâ fuit animi moderatione CÆCILIA. Super-
bis inter calentes dapibus mensas, non luxum, sed Re-
gium dignata est splendorem. Venationis studio capi-
ebatur, non delectatione, sed fatigatione eludens o-
tium. Quorum copia erat cum modestiâ; quorum abun-
dantia, cum delectu utebatur: quorum vtrumq; cum
pietate. Hinc educata virtutibus adoleuit Constantia,
firmataq;ue sensim, reliquam vitæ occupavit partem.
Ut iam decessuram se, id est properaturam ad hunc fi-
nem, ad quem quæ feliciora mortalitate sunt prope-
rant, minimè formidaret. Sæpe illi in animo, tum in
ore: illæ constantis animi voces. Hinc omnis ista ad
diademata, ad fasces, ad togam, ad purpuram compo-
sita turba, pari vadet gradu. Et qui honorant, & qui
honorantur; vnus omnes æquabit cinis. Res magni mo-
menti concidunt, quidni homo? Imbecillum corpus,
fragile & nudum, suaptè naturâ inerme, alienæ opis
^{hom.} indigens, ad omnem fortunæ contumeliam proiectum,
lineamentis externis nitidum, infirmis fluidisq; contex-
tum; frigoris, æstus, laboris impatiens, ipso rursùm situ
ac otio iturum in tabem: alimenta metuens sua, quorū
modò inopiâ, modò copiâ rumpitur. Quocunq; se mo-
uet, infirmitatis suæ conscius est. Si terram, humori-
bus crassisq; aquarum nouitatibus: si cœlum intuetur;
tempestuosis incommoditatibus, insidiari sibi, suspica-
tur. Et veluti speculo, vt perspiciatur opponimus cor-
pus. SERENNIS. CÆCILIA caducæ mortalitati,
fortem opposuit animum; vt eam perspiceret. Appa-
ret vtiq; quotquot nascimur aut viuimus, nulli conti-
gisse

gisse impunè nasci. CÆCILIA RENATA multum
vixisse; si satis vixisset, intellexit. At parum vixisse,
si benè, satis est. Non diu fuisse, sed diu vixisse RENA-
TAM vidimus. Forti despiciebat animo, & mortis ter-
rorem, & naturæ fragilitatem: fragilitati immortali-
tatem, terrori securitatem conscientiae, magno oppo-
nebat animo. Agebat in caducis tanquam non cadu-
ca; in mortalibus tanquam supera. Quidquid de For-
titudine dici, aut in Fortitudine agi potest: CÆCI-
LIA RENATA omne tulit. Contemptum mortis hau-
sit à Fortitudine: contempsit verò ita, ut non timore
nos, aut iniuriâ per mortem, sed beneficio repleri, suo
in exemplo expediret. Viuentem non iniuriari à mor-
te, sed è tædio euolui vitæ. Hæc quæ videmus ossa,
circumuoluta nervis, & obductam cutem, vultumq;
& ministras manus; & plura quibus inuoluimur, vincu-
la animi tenebrasq; esse. Talis contemptus mortis, præ-
duxit Regalem in REGINA, sui ipsius cognitionem.
Illam ego hæc ætate rarò occurrentem præmediatè præ-
tereo: rerum, negotiorum, publicorum munerum,
linguarum plurimarum; muliebrem super imbecillita-
tem admirabilem cognitionem. Sublimiorem peto.
Id cogitare, ut cognosceret seipsam SERENISS. RE-
GINAE cognitio fuit excellentissima. Seipsam cum
cognouisset, cognouit omnia. Cognoscere solum ali-
os non se, solenne est Principibus: at & se; & alios ra-
rum. Tale erat Comitatus officium in SERENISS. ut
per eam alios cognosceret, se per Virtutem. Nouistis
imò sensistis, quo vultu; id est hilari, humano, affabili

se accedētes SERENISS. excipiebat. Meministis : (imò
 meminisse est refricare dolorem vobis & lachrymas,)
 Vrbanitatem illam, decenti gemmatam humanitate.
 Propensa ad quenquam, nulli importuna, in comita-
 tem effusa, affabilis cuiq; , & acceptata. Tecta ipsa,
 & parietes testor, Illius plenos Humanitatis. Testes
 mihi animi oculiq; Vestri toties spectatores. Com-
 pensauisti, imò antecessisti ætatum Amores, in amore.
 REGINA amans Nationis Lechiacæ, sublata ! sed
 dolor loquitur, non Oratio. Parcite tamē, SENATORES,
 affectui meo : non meus est : ast Amoris. Scio Senatorij
 Ordinis Virum, ætate, & experiētiâ grauem; dignum
 se iudicium tulisse. Nimirum, vix indicasse nobis ad
 hæc vsq; tempora nostra; Chronica Polonorum, Regi-
 nam parem CÆCILIAE : vt à DEO maiestatem il-
 lam, quâ æquaret ELIZABETHAS, ANNAS, CONSTANTIAS,
 Poloniæ donatam, videri meritò posset. Ori, vultui,
 fronti, insita diuinitus fructificauit Authoritas. Sanè
 si vetus illa Deorum, Dearumq; stetit fabricatrix an-
 tiquitas : CÆCILIAM RENATAM, in Dearum
 numero locauisset. Regnare hîc visa Authoritas cum
 maiestate. Talis morum candor, integritatisq; speci-
 men; quod quidem demortuo corpore animis nostrûm
 omnium nunquam emoriatur, visebatur. Hæret non
 mortua, nec moritura vnquam nostro pectori Effigies
 CÆCILIAE RENATAE, REGINAE PO-
 LONIARVM. Sibi & Poloniæ vixit, sibi ad Immor-
 talitatem, Poloniæ ad annosam mortua, recordationem.
 Quidquid mortalitatis, ad immortalem habuit, trans-
 portauit

*hinc laudat
 exp. d. b.
 in cor. cor. cor.
 laudat*

portauit. Mors illius lachrymas imbecillitati huma-
næ præparauit; non intellectui. Quam facultatem hoc
in integumēto humanæ fortis habuit vitæ, deperdidit:
non vitam. Fragilitatem naturæ imbecillis elusit, non
occasum. Soluit mundanæ vicissitudini debitum, quod
non aliter restitui poterat, quàm vt solueretur resti-
tuendo. Irreticulatam vitæ vanitatem, non vanâ
expunxit soliditate. Id egit, vt falacia vitalis xui
irretimenta, non irritamentis infecuræ voluptatis
clauderet: sed liberæ traderet immunitati. Falla-
ces elusit horas mortua, ab ijs ne eludetur viuens.
Insidiosa mentientis vitæ blandimenta; beatæ, qualis
non fallit, mortis ministerio, præoccupauit. Toto in
vitæ gressu fallacias deprehendit, ne deprehenderetur:
insidias labefecit, ne labefieret. Nihil autem est tam
fallax quàm vita humana; nihil tam insidiosum. Si
virtute non vincitur, vincit illecebrâ. Fortis & stre-
nua SERENISS. quæ ipsam Hostis sui victoriam vicit.
Ludimus in mortalitate hâc, cum viuimus: partim vi-
ctores, victi partim. Ludere RENATÆ fuit, cum
viueret; vt eluderet, ludicras mortis versutias; &
elusit. Quidni enim eluderet? Viuere totâ vitâ disce-
bat: at quod mirabere fortassis, discebat totâ vitâ
mori. Cum sensim vitæ officijs renunciare cepisset per
morbum, sæpiùs hoc vsque in extremam ætatem egit:
vt viuere sciret, mori magis. Vtrumq; & vivere ad
exemplum, & mori ad beatitudinem. Cum ista per-
spexerit, sciuit optimè cum his agi, quos natura,

Deinde dicitur quia

quia illos hoc manebat vitæ stipendium , citò in tutum recepit. Semper felix , & sine morfu animi pertrasiuit vitam : hinc videbatur partem alteram rerum naturæ contemnere. Non fecit breuem vitam , cum accepit ; ita non prodiga , sed indiga vitæ. Nihil ex suo tempore , quod super humanos errores eminentis animi est , deperdidit. Vtebatur parcè , quasi non gratuitum putaret. Sciebat id debere seruari diligentius , quod nescitur quando deficit. Quemadmodum ex torrente rapido , nec semper casuro , cito hauriendum est : sic Illa in celeritate temporis , velocitate vitæ vsa , & probe est. Sentiebat eam accedere quotidie , & minui. Longa vita est ; cui quantumcunque patuit , vacatum est. Vixit præsentibus læta , futuri secura. Vixit non popularis auræ arbitrio , vel desiderio : sed plùs semper admirationi. Vitam aucupata rectam & beatam , vt rectè se viuere intelligeret , & beatè. Nam non est beatus , qui se non putat esse. Tantâ Regnorum opulentiâ contenta non fuit , seipsâ contenta tantùm. Cum & seipsâ Virtutes , & virtutibus seipsam bearet. Fortunam comitem , non Dominam habuit : illi Domina , nunquam subdita. Intellexit posse auelli , quod fortuna , ceu in pignus fudit ; at sibi non posse , cui vineta fuit. Stitit Fortunæ rotam volubilem ; vt qui per eam in altum scanderet , erexit ; qui in imum , detinuit. Subdolam detexit cæcitatem , abreptâ illi impediendi vittâ : pleno se coëgit intueri lumine. Vidit pectus Fortuna

fortè

forte, & diffusa primùm muliebri: posthàc experta; credidit. Et factum, vt cum REGINAM sibi vicariam instituisset; relictis compactisque Viribus, Fortunæ ipsius contempsit vires. Vitam SERENISSIMA CÆCILIA sic perfecit ad exemplar, non fecit; vt esset tantùm. Si virtutes Animi spectes nullibi nobiliores; si extra animum nullibi excellentiores. Exiguo in tempore vixit multùm, ita cum vixisset, absoluta omni virtutum genere. Qualiter statuarius, non primùm absolui opus credit, distinctis donec artibus perfectum, consumatumque formet. Quid ultra Regalis huius mentis immortales euoluam operas. Plus dicere non vacat; præterquam, cum esset REGINA Imperatorum, Regum, Monarcharumq; sanguine progenerata: hominem se fuisse meminisset. Nimia magnitudo est suam intelligere paruitatem. Perstrinxit RENATA Nostra, in humanâ, humanam conditionem forte. Nudi ad vagitum statum & ploratum nascimur; vt nullum animal aliud, pronius ad lachrymas. Nullus cum nascitur, intelligit se ad imperandum nasci. Vnus introitus est omnibus ad vitam, & similis exitus. Et hæc est Iconographia SERENISSIMÆ CÆCILIÆ RENATÆ REGINÆ POLONIARVM oculis vestris à me præstita, ex iisdem mox lachrymas expressura. Quidquid virtuti intra animum patuit, pro mediocritate dicendi, complanatum: extra si Fortunæ dotes, aut bona desideretis, de ijs non esse necesse intelligo mul-

tis apud vos perorate. Plenisilla aut oculis, aut hau-
sistis Historijs. Genus prætereo. Genus non solùm
toti Europæ; sed barbaris quâ Orientem, quâ Occi-
dentem spectantibus, solenne. Mitto Austriam, quâ
nata in DOMO: nido Cæsares, Reges, IMPE-
RATORES, MONARCHAS, DVCES, educante. Pie-
tatis (Domus illa) meditullium; religionis gazophi-
laceum: quæ à religione, ergà mysticam Sacratissimi
CORPORIS misteriosissimique Eucharistiam, fastigia
honorum, Imperatoriamq; isthac Sedem, auspicare-
tur. FERDINANDO SECUNDO fatam Ge-
nitore, sanctimoniâ vitæ sæculum superæquante hodi-
ernum, non recenseo. FERDINANDI TER-
TII, alterius IMPERATORIS SEMPER AV-
GVSTI, germanam: PHILIPPO Hispaniarum
REGI, SERENISS. Galliarum REGINÆ Soro-
rem, Magno DVCI Etruriæ, & Parmensi, sangui-
ne copulatam affini, non fastuosè reuoco. Illustri-
simas SORORES, Illustri REGVM & Princi-
pum Thoro iunctas; fileo. Europam penè Vniuer-
sam, Generi nexam coniunctamque CÆCILIAE,
quid strepo? Plena his capacia Historiarum volumi-
na perspexistis, & perspicietis. Natalem retexite pro-
digiosam. Diem illam pullulaturæ pietatis, virtu-
tumque præsagam. SERENISSIMA CÆCILIA
vix nata menses aliquot, vitæ in ipsius primordijs, vi-
tâ exuta præproperè. Sensit insidiantis lethi technas,
adhuc Infans, non superatura. Personat horrendo lu-

ctu Re-

ctu Regia: Amantissimæ Principis immaturus mortis
casus, multo Aulæ Imperatoriæ eiulatu refarcitur. Im-
peratricis materna præcordia, tacito edit dolor inte-
stinus morfu. Vndique mæror, & vndique planctus.
Nec multum Mors hoc læta triumphali, (DOMO in
Imperatoriâ) exuuiis reponendo adigitur. Repugnans
insolentèr, formidandâ vrsa Tonantis manu, infanti-
les illas in triduo reponit manubias; Vitam & Animû
CÆCILIAE. Hem prodigiosam rem! Futuræ in-
dicia virtutis. hem sæculo, multoque antè passu inaudi-
ta! Discis festinantèr vincere, expers rationis &
virium. Impar congressu, validiori pusilla hosti, concur-
rere non formidas, satis laudabiliter vincis, Quæ properè
vincis. Nata, at breuibus Mortua; iterû viuens, retro-
gradâ repetis vitam, RENATÆ sortita Nomen. Res in-
audita vnquam, SENATORES, Infans tenera vicit mor-
tem; cuius minaces enses, & ferrata exercituum mil-
liona substernuntur potestati. Et mortem & mortalita-
tem vincere arduum, vtrumque vicit. Felices inter
RENATA felix; prodigiis inhoatam, Virtutum
omni consumatum perfectione cucuristi vitam. Vi-
sis Sanctitatis emerfuræ scintillis Sator TVVS arden-
tissimus sanctitatis amator: quas Ille interea prodi-
gioso ex euentu voluebat animo voluptates, vobis vt
cogitetis, relinquo. Spem altâ in mente reposuit, &
aluit: adeò, vt superuiuens non multò; principia Ipse;
exitum nobis spectandum, suspiciendumque proposu-
erit emanaturæ sanctitatis. Vidimus. vidit Europa

Omnis. Spectauit Christiani & Orthodoxi Nominis Cetus, spem illam præuisam à D. FERDINANDO, in magnas, educatam virtutum opes. Felicem Te Polone memorem, qui non solum sub teteritudine Regni Tui, iactare prodigia in PIASTO, MIECISLAO, & CASIMIRO PRIMO, plurimisque Monarchis ac Regibus morem hausisti : sed sub maturitatem etiam, in Reginis liberè audes. Hæc quantò auidius pectore uoletis reuolueris : tantò onustior accrescit lachryma, integumentum hoc super sepulchrale casura. Ea porrò, quæ mei tenuitatem ingenij excedebant, nec à me Vobis præstita sunt : Vos qui multarum hîc conscij virtutum adestis, intimiùs animo penetrate. Quis spectatores quotidiani fuistis : ijs ea non oportere aperiri, animaduerto. Quanquam, & dolori Vestrum hâc in parte parcam. Etenim quot Virtutes, tot deploraretis necesse foret Reginas ; si omnes ordinatè recēserem. Satiùs ad partiendas secedā lachrymas, ipse lachrymabundus. In Supremâ SERENISSIMÆ CÆCILIAE POLONIARVM REGINÆ, ex hâc vitâ discessione, habent Vniuersi quod doleant. Habes INVICTISSIME REX VLADISLAE, participem Sceptri Thoriq; CONSORTEM sublatā, cur merito doleas ? De Maiestate Tua remittere aliquid iubet luctus. nimirum grauissimo telo, Fatum, apicem Tui Sceptri tentauit ; & ne Tui florentissimus cursus Regni continuò floreret, subitâ mortis procellâ inuadit. Renatam quippè Poloniarum Regnis digni-

tatem

tatem æternam timuit; sed perennauit in Te SERENISSIME PRINCEPS SIGISMUNDE CASIMIRE; cui mæror SERENISSIMÆ PARENTIS lugubrem nuncium, in primo flore ætatis fecit. Nescio quo tecum lusit omine Fortuna. quod lucere ceperis dum extinguatur Mater: veluti radios sponte suos in TE Vnum deriuari voluerit, quibus mundum, & Sarmatico Orbe illustres. Quid verò FERDINANDI Imperator semper AVGVSTE? An non iustam mæroris partem ad Martias belli sollicitudines accedentem habes, habebisq; ex cōiunctissimæ Sororis tristi occasu memoris animi reuolutionem. Vos etiam Christianissimi. Te REX Hispaniarum MAXIME: Te REGINA Galliarum, luctus iste vocat. Affectus ille confanguineusq; Amor CÆCILIAE, sæpè Vobis Vestrarum in felicitatum Serenitates, tristem incutiet dolorem. Sed nemo maiores ex SERENISS. CÆCILIAE RENATÆ obitu accepit curas, quàm Polonia: vt in nomen RENATÆ, renasci illas toties est, futurumque sit necesse. Nam; si æstimatam toti mundo iacturam Regnum nostrum subiit, quis Ordinum status est, qui tantum Patriæ detrimentum non lugeat. Inclinarer se profectò tam insolito mærore Respub. grauata: sed in Tuâ Dextrâ SERENISSIME VLADISLAE est posita, in quâ erecto vultu Nationum Gentiumq; omnium obtutibus, suas detergendi causâ lachrymas exhibet. Nimirum viuit nobiscum SERENISSIMÆ REGINÆ vita, in Te vno, SERE-

NISSIMOQVE Tuo FILIO spiritum reliquit : nec
omnis eius studij, in nostram Patriam affectus, ex
moriente expiravit, quæ sui dimidium in eâ deposuit.
Et, si perpetui Amoris testimonium est, nunquam ami-
corum memorem animum deponere: cum æternum be-
nè volendo nostræ Patriæ, per humanæ sortis fortu-
nam vivere nobiscum Ei non liceret ; vt per-
petuò amaret Regnum REGINA, in eo
animi domicilium, sui que in Ciues a-
moris obsidem linquit partem.

MORTALIS CORPORIS

EXVVIAS.

C R A C O V I A E ,

In Officina Typographica S T A N I S L A I B E R T V T O V I C ,

Anno Domini, 1644.



J. X. 21

nee
ex
uit
mi-
be-
u-

C,
non
log
Kcl
V
non
di
3

